

2013/8 №5.



INSURANCE
COMPANY

ТРАНСПОРТ ВОСИТАЛАРИ ЭГАЛАРИНИНГ ФУҚАРОЛИК ЖАВОБГАРЛИГИНИ
МАЖБУРИЙ СУҒУРТА ҚИЛИШ ТҮҒРИСИДАГИ
0800/2200004- сонли ШАРТНОМАСИ

Жиззах.ш

«10» январ 2022 йил

Ўзбекистон Республикаси Молия вазирлигининг 2019 йил 20 апрелдаги СФ 00241-сонли Суғурта фаолиятини амалга ошириш ҳуқуқини берувчи Лицензияси асосида ўз фаолиятини амалга оширадиган, кейинги ўринларда "СУҒУРТАЛОВЧИ" деб номланувчи "APEX INSURANCE" МЧЖ номидан 2021 йил 30 декабрдаги №33-сонли Баш ишончнома асосида иш юритувчи "APEX INSURANCE" МЧЖ Жиззах вилоят филиали директори Адилов Хуршид Кодирович бир тарафдан ва кейинги ўринларда "СУҒУРТА ҚИЛДИРУВЧИ" деб номланувчи, номидан «UZTRANSGAZ» АЖ томонидан ишончнома асосида иш юритувчи Ғаллаорол МГҚБ бошлиғи в.б Б.С.Хидиров иккинчи тарафдан биргаликда "Тарафлар", алоҳида "Тараф" деб аталиб, Транспорт воситалари эгаларининг фуқаролик жавобгарлигини мажбурий суғурта қилиш Шартномасини (бундан буён матнда – "мазкур Шартнома" деб юритилади) тузиши:

1 Бўлим. ШАРТНОМА ПРЕДЕМТИ

1.1. Суғурта қилдирувчининг топшириғига кўра, Суғурталовчи ўз зиммасига, Ўзбекистон Республикасининг 2008 йил 21 апрелдаги "Транспорт воситалари эгаларининг фуқаролик жавобгарлигини мажбурий суғурта қилиш түғрисида"ги ЎРҚ-155-сонли Қонуни ва Ўзбекистон Республикаси Вазирлар Маҳкамасининг 2008 йил 24 июндаги 141-сонли Қарори билан тасдиқланган "Транспорт воситалари эгаларининг фуқаролик жавобгарлигини мажбурий суғурта қилиш Қоидалари" (бундан буён матнда – "Суғурта қилиш қоидалари" деб юритилади) шартларига ва мувофиқ, мазкур Шартноманинг ажралмас қисми ҳисобланадиган Иловаларида кўрсатилган Транспорт воситалари эгаларининг фуқаролик жавобгарлигини мажбурий суғурта қилиш хизматларини кўрсатиш бўйича мажбуриятни қабул қиласи.

1.2. Мазкур Шартномада фойдаланиладиган атамалар, Суғурта қилиш қоидаларига келтирилган таърифларга мувофиқиди.

1.3. Суғурта ҳудуди: Ўзбекистон Республикаси. Суғурта ҳудудидан ташқарида содир бўлган воқеалар суғурта воеаси деб ҳисобланмайди.

1.4. Транспорт воситасини бошқаришга қўйилган шахслар – Суғурта қилдирувчи штатидаги ходимлар ёки Суғурта қилдирувчи билан тузилган фуқаролик-ҳуқуқий шартнома асосида транспорт воситасини бошқаришга қўйилган бошқа шахслар.

2 Бўлим. МАЖБУРИЙ СУҒУРТА ОБЪЕКТИ. СУҒУРТА ҲОДИСАСИ

2.1. Суғурта полисида (бундан буён матнда – "Полис" деб юритилади) кўрсатилган транспорт воситасидан Ўзбекистон Республикаси ҳудудида фойдаланишда транспорт воситалари эгаларининг жабрланувчилар ҳаёти, соғлиғи ва (ёки) мол-мулкига етказилган зарарнинг ўрнини қоплаш бўйича фуқаролик жавобгарлиги қонунчиликка мувофиқ юзага келиши билан боғлиқ бўлган мулкий манфаатлари мазкур Шартномага мувофиқ бериладиган Полиснинг мажбурий суғурта обьекти ҳисобланади.

2.2. Полисга кўра транспорт воситасидан фойдаланишда жабрланувчининг ҳаёти, соғлиғи ва (ёки) мол-мулкига етказилган, Суғурта қилдирувчининг суғурта товонини амалга оширишига сабаб бўладиган зарар бўйича жавобгарлиги суғурта қилинган, суғурта қилдирувчи ёки бошқа шахснинг фуқаролик жавобгарлигининг юзага келиши суғурта ҳодиса ҳисобланади.

3 Бўлим. ИСТИСНОЛАР

3.1. Қуйидагилар оқибатида транспорт воситалари эгалари фуқаролик жавобгарлигининг юзага келиши суғурта ҳодисаси ҳисобланмайди:

- а) мажбурий суғурта бўйича суғурта полисида кўрсатилмаган транспорт воситасидан фойдаланишда зарар етказиш;
- б) маънавий етказилган зарар ва (ёки) бой берилган фойданинг ўрнини қоплаш бўйича мажбуриятнинг юзага келиши;
- с) транспорт воситасидан махсус ажратилган жойларда мусобақалар, синовлар ёки ўқув хайдови давомида фойдаланишда зарар етказилганлиги;
- д)атроф мухитнинг ифлосланиши;
- е) ташилаётган юқ таъсирида зарар етказилиши, агар бундай жавобгарлик мажбурий суғуртанинг тегишли тури тўғрисидаги қонун ҳужжатларига мувофиқ мажбурий суғурта

- қилиниши керак бўлса;
- f) ходимлар хизмат ёки меҳнат мажбуриятларини бажараётганида уларнинг ҳаёти ёки соғлиғига зарар етказилиши, агар бу заарнинг мажбурий суғуртанинг тегишли тури тўғрисидаги қонун ҳужжатларига мувофиқ қопланиши лозим бўлса;
 - g) ходимга зарар етказилганлиги туфайли келиб чиқсан заарнинг ўрнини иш берувчи томонидан қоплаш бўйича мажбурияти;
 - h) йўловчининг ҳаёти, соғлиғи ва (ёки) мол-мулкига зиён етказилганлиги туфайли келиб чиқсан заарларнинг ўрнини ташувчи томонидан қоплаш мажбурияти;
 - i) ҳайдовчининг ўзи бошқараётган транспорт воситасига ва унинг тиркамасига, уларда ташилаётган юкка ва (ёки) уларга ўрнатилган асбоб-ускуналарга зарар етказилганлиги;
 - j) юкни ортиш ёки туширишда, шунингдек транспорт воситаси мазкур транспорт воситасининг эгаси бўлган корхона, муассаса ёки ташкилот ҳудудида ҳаракатланганида зарар етказилганлиги;
 - k) нодир ва бошқа ноёб буюмлар, меъморий ёдгорликлар, қимматбаҳо ва ярим қимматбаҳо тошлар ва металлардан ишланган буюмларга, диний қадриятга эга буюмлар, санъат асарлари, кўлёзмалар, ноёб аудиовизуал асарларга ҳамда интеллектуал фаолиятнинг бошқа маҳсулларига, қимматли қоғозлар, нақд пулларга, шу жумладан чет эл валютасига шикаст етказилганлиги ёки уларнинг йўқ қилинганлиги;
 - l) жабрланувчиларнинг суғурта ҳодисаси юзага келишига қаратилган қасдан қилган хатти-ҳаракатлари натижасида етказилган зарар.
- 3.2. Мазкур Шартноманинг 3.1. бандида кўрсатилган ҳолларда транспорт воситаси эгаларининг фуқаролик жавобгарлиги юзага келган тақдирда етказилган заарнинг ўрни улар томонидан қонун ҳужжатларига мувофиқ қопланиши керак.
- 3.3. Агар Суғурта қилдирувчи (фуқаролик жавобгарлиги Полис бўйича суғурталанган бошқа шахс) транспорт воситасидан фойдаланиш натижасида етказилган заарнинг ўрнини жабрланувчига (унинг меросхўрига ёки ҳуқуқий ворисига) Суғурталовчининг ёзма розилигисиз ҳар қандай усулда қопласа ёки қоплашни ваъда қилса, Суғурта қилдирувчининг (фуқаролик жавобгарлиги Полис бўйича суғурталанган бошқа шахснинг) бу ҳаракатлари суғурталовчи учун мажбуриятларни келтириб чиқармайди.

4 БЎЛИМ. СУҒУРТА ПУЛИ

4.1. Ўзбекистон Республикаси Вазирлар Маҳкамасининг 2008 йил 24 июндаги "Транспорт воситалари эгаларининг фуқаролик жавобгарлигини мажбурий суғурта қилиш тўғрисида"ги Ўзбекистон Республикаси Қонунини амалга ошириш чора-тадбирлари ҳақида"ги 141-сонли Қарорига мувофиқ бир дона Полис учун суғурта пули **40 000 000 (қирқ миллион) сўмни** ташкил этади.

4.2. Мазкур Шартнома бўйича умумий суғурта пули мазкур Шартноманинг Иловасига мувофиқ **2 480 000 000,00 (Икки миллиард турт юз саксон миллион) сўм 00 тийинни** ташкил этади.

4.3. Ҳар бир транспорт воситаси учун полиснинг суғурта мукофоти ва жами суғурта мукофотининг ҳисоб-китоби, Суғурта қилдирувчининг ҳар бир транспорт воситаси бўйича Полисни тузиш тўғрисидаги ёзма аризада келтирилган маълумотлардан келиб чиқиб ва Суғурта қилиш Қоидаларига мувофиқ, Суғурталовчи томонидан амалга оширилади.

4.4. Мазкур Шартнома бўйича умумий суғурта мукофоти мазкур Шартноманинг Иловасига мувофиқ **4 528 000,00 (Турт миллион беш юз йигирма саккиз минг сум) сўм 00 тийинни** ташкил этади.

4.5. Полис шартлари у амал қилган муддат мобайнида ўзгарган тақдирда, шунингдек Суғурта қилиш Қоидаларда назарда тутилган бошқа ҳолатларда суғурта мукофоти миқдори ўзгарган шартларга мувофиқ равишда тузатилади. Бунда томонларнинг суғурта мукофотини ўзаро ҳисоб-китоб қилишга тааллуқли бўлган мажбуриятлари Полис шартларига ўзgartiriшлар киритилган кундан бошлаб 3 иш кунидан кечикмай бажарилиши керак.

4.6. Ҳар бир Полис бўйича суғурта мукофоти, Суғурталовчининг банк ҳисобрақамига Суғурта қилдирувчига тўлов ҳужжати тақдим этилган кундан эътиборан 3 (уч) кун ичida, пул маблағларини нақдсиз шаклда ўтказиш йўли билан тўлаб берилади.

4.7. Пул маблағлари Суғурталовчининг (унинг филиали ёки суғурта агенти) банк ҳисобрақамига келиб тушган кун суғурта мукофоти тўланган сана ҳисобланади.

4.8. Ҳар бир Полис бўйича суғурта товони тўлангандан кейин, мазкур Полис, суғурта пули ва суғурта товони ўртасидаги фарқ миқдорида амал қилади.

5 БЎЛИМ. ШАРТНОМАНИНГ АМАЛ ҚИЛИШ МУДДАТИ. ПОЛИСЛАРНИ БЕРИШ ВА МУДДАТИДАН ОЛДИН ТЎХТАТИШ ТАРТИБИ

5.1. Мазкур Шартнома томонилар уни имзолаган пайтдан бошлаб кучга киради ва ҳар бир транспорт воситасига берилган Полисларда белгиланган муддатларга қадар амал қиласи. Мазкур Шартномага мувофиқ бериладиган Полисларнинг амал қилиш муддати 1 йилдан кам бўлмаган муддатни ташкил этади ва ҳар бир Полисда кўрсатилади. Полиснинг амал қилиш муддатининг бошланиш санаси, суғурта мукофоти (биринчи суғурта бадали ёки бўнак тўлови) тўланган санадан аввал бўлиши мумкин эмас.

5.2. Суғурта қилдирувчи Суғурталовчига мазкур Шартноманинг 1-сонли Иловасида белгиланган Полисни тузиш бўйича ёзма аризани, ҳамда Суғурта қилиш Қоидаларида назарда тутилган ҳужжатларни тақдим этади.

5.3. Суғурталовчи, Суғурта қилдирувчининг ёзма аризасига мувофиқ, суғурта мукофотини ҳисоб-китобини амалга оширади, Суғурта қилдирувчига суғурта мукофоти бўйича тўлов ҳужжатини тақдим этади ва суғурта мукофоти тўланган санадан (Суғурта қилдирувчи бўнак тўловини амалга оширган бўлса – ариза олинган санадан) эътиборан бир иш кунидан кечиктирмасдан, Суғурта қилдирувчига, аризада кўрсатилган ҳар бир транспорт воситаси учун, Суғурта қилиш Қоидаларида белгиланган шаклда Полисни беради. Била туриб ёлғон маълумотлар ва (ёки) ҳақиқий бўлмаган ҳужжатлар тақдим этганлиги учун Суғурта қилдирувчи Ўзбекистон Республикаси қонунчилигига мувофиқ жавобгарлик бўлади.

5.4. Полисининг амал қилиши:

- транспорт воситасидан фойдаланиш белгиланган тартибда тақиқланганда;
- мажбурий суғурта полисида кўрсатилган транспорт воситаси бундан буён фойдаланиш учун яроқсиз бўлиб қолганда;
- транспорт воситасининг эгаси ўзгарганда муддатидан олдин тўхтатилади.

Полиснинг амал қилиши қонун ҳужжатларида назарда тутилган бошқа ҳолларда ҳам муддатидан олдин тўхтатилиши мумкин.

5.5. Полиснинг амал қилиши муддатидан олдин тўхтатилган тақдирда суғурта мукофотининг бир қисми тўланган тово сумаасига ва Полиснинг амал қилишининг кунлар ҳисобидаги қолган муддатига мутаносиб равишда қайтарилади. Бунда Полиснинг амал қилиши мазкур Шартноманинг 5.4-банди "а", "б" ва "в" кичик бандларида кўрсатилган бошқа асосларга кўра муддатидан олдин тўхтатилган тақдирда Суғурталовчи суғурта мукофотининг қайтарилаётган қисмидан унинг ушбу Полис бўйича исбот қилинадиган харажатлари сумаасини суғурта мукофотининг 25 фоизидан кўп бўлмаган миқдорда чегириши мумкин.

6 Бўлим. ТОМОНЛАРНИНГ ҲУҚУҚ ВА МАЖБУРИЯТЛАРИ

6.1. Суғурта қилдирувчи қўйидаги ҳуқуқларга эга:

- Суғурталовчидан Суғурта қилиш Қоидалари шартларини тушунтириб беришни талаб қилишга;
- Суғурталовчининг суғурта товонини тўлашни рад этиш тўғрисидаги қарори юзасидан шикоят қилишга.

6.2. Суғурта қилдирувчи қўйидагиларга мажбур:

- суғурта мукофотини Суғурта қилиш Қоидаларида белгиланган шартлар асосида ва тартибда тўлаши;
- Суғурта қилдирувчининг транспорт воситаларини бошқарувчи шахсларни Суғурта қилиш Қоидалари шартлари билан танишириши, шу жумладан, тарафларнинг ҳуқуқ ва мажбуриятларини тушунтириши;
- жабрланувчига (унинг меросхўрларига ёки ҳуқуқий ворисларига) йўл-транспорт ҳодисаси кунидан бошлаб уч календарь кундан кечиктирмай Полиснинг нусхасини топшириши;
- давлат йўл ҳаракати хавфсизлиги хизмати ходимларининг фамилияси ва манзилини ёзib олиши;
- дарҳол, йўл-транспорт ҳодисасидан кейин 72 соатдан кечиктирмай, содир бўлган ҳодиса ҳақида Суғурта қилиш Қоидаларга мувофиқ ёзма шаклда, Полиснинг нусхасини илова қилган ҳолда Суғурталовчига (унинг филиалига) йўл-транспорт ҳодисаси содир бўлган жойдаги ва транспорт воситаси рўйхатдан ўтказилган жойдаги давлат йўл ҳаракати хавфсизлиги хизматига билдириши;
- Суғурталовчига суғурта ҳодисаси муносабати билан унга нисбатан қўйилаётган барча талаблар ёки унга қарши бошланган суд муҳокамаси тўғрисида дарҳол хабар қилиши, зарар етказилиши ҳолатлари тўғрисидаги барча маълумотларни ва ваколатли органлардан олинган, суғурта ҳодисасининг сабаблари ҳамда оқибатларини, зарарнинг хусусияти ва миқдорини белгилаш учун зарур бўлган ҳужжатларни Суғурталовчига тақдим этиши;
- зарарнинг олдини олиш ва (ёки) камайтириш юзасидан мумкин бўлган барча чораларни кўриши керак.

6.3. Суғурталовчи қўйидаги ҳуқуқларга эга:

- йўл-транспорт ҳодисаси ҳолатларини ва суғурта қилдирувчи ёки жабрланувчининг

хабарига кўра етказилган зарарни аниқлаш учун йўл-транспорт ҳодисаси тўғрисидаги ҳужжатларни расмийлаштириша қатнашишга;

б) агар шикастланган мол-мулкни ёхуд унинг қолдиқларини кўздан кечириш ва мустақил экспертиза қилишга (баҳолашга) қадар Суғурта қилиш Қоидаларига талабларига мувофиқ амалга оширилган шу мол-мулкни таъмирлаш ёки унинг қолдиқларини утилизация қилиш суғурта ҳодисасининг мавжудлигини ва Полис бўйича ўрни қопланиши лозим бўлган зарарларнинг миқдорини тўғри аниқлаш имконини бермаса, Суғурталовчи жабрланувчига (унинг меросхўрига ёки ҳуқуқий ворисига) суғурта тўловини ёки унинг бир қисмини тўлашни рад этишга;

с) ҳаётга, соғлиқка ва (ёки) мол-мулкка зарар етказилганлигини тасдиқловчи ҳужжат бўйича шубҳа пайдо бўлганда, Суғурталовчи ҳужжатда кўрсатилган ахборотнинг тасдиғини олиш учун ушбу ҳужжатни берган муассасага мурожаат қилишга.

6.4. Суғурталовчи қуйидагиларга мажбур:

- а) Суғурта қилиш Қоидалари шартлари билан Суғурта қилдирувчини таништириши, шу жумладан, унинг ҳуқуқ ва мажбуриятларини тушунтириши;
- б) ўз фаолиятини амалга ошириш натижасида олинган ташувчи ва жабрланувчи ёки наф олувчи тўғрисидаги маълумотларнинг махфилигини таъминлаши.
- 6.5. Тарафлар қонунчиликка мувофиқ бошқа ҳуқук ва мажбуриятларга эгадирлар.

7 Бўлим. СУҒУРТА ТОВОНИ МИҚДОРИНИ АНИҚЛАШ ВА СУҒУРТА ТЎЛОВИНИ АМАЛГА ОШИРИШ ТАРТИБИ

7.1. Суғурта товонини аниқлаш ва суғурта тўловини амалга ошишиш тартиби, жабрланувчининг ҳаёти, соғлиғи ва (ёки) мол-мулкига зарар етказилганда суғурта тўловини олиш учун зарур бўлган, тақдим этиладиган ҳужжатлар рўйхати Суғурта қилиш Қоидаларida белгиланган.

8 Бўлим. СУҒУРТАЛОВЧИННИНГ РЕГРЕСС ТАРТИБИДА ТАЛАБ ҚИЛИШ ҲУҚУҚИ

8.1. Суғурталовчи зарар етказган шахсга (суғурта қилдирувчига, фуқаролик жавобгарлиги Полис бўйича суғурталанган бошқа шахсга) ўзи тўлаган суғурта тўлови миқдорида қуйидаги ҳолларда рёгресс тартибида талаб қилиш ҳуқуқига эга, агар:

- а) мазкур шахснинг қасди оқибатида жабрланувчининг ҳаёти, соғлиғи ва (ёки) мол-мулкига зарар етказилган бўлса;
- б) зарар транспорт воситаси мазкур шахс томонидан мастилик ҳолатида ёки гиёҳвандлик воситалари, психотроп моддалар ёки шахснинг ақл-идроқига таъсир кўрсатувчи бошқа моддалар таъсири остида бошқарилаётганда етказилган бўлса;
- в) мазкур шахс ўзи фойдаланаётганда зарар етказган, транспорт воситасини бошқариш ҳуқуқига эга бўлмаган бўлса;
- г) мазкур шахс йўл-транспорт ҳодисаси содир бўлган жойдан яширинган бўлса;
- д) мазкур шахс транспорт воситасини бошқаришга рухсат этилган шахс сифатида мажбурий суғурта шартномасига киритилмаган бўлса (транспорт воситасидан фақат Полисда кўрсатилган ҳайдовчилар фойдаланиши шарти билан мажбурий суғурта шартномаси тузилганда);
- е) суғурта ҳодисаси мазкур шахс транспорт воситасидан Полисда назарда тутилмаган аниқ даврда фойдаланаётганда содир бўлган бўлса (транспорт воситасидан Полисда назарда тутилган даврда фойдаланиш шарти билан Полис тузилганда). Бунда Суғурталовчи мазкур шахсдан суғурта ҳодисасини кўриб чиқишида қилинган харажатларни қоплашни ҳам талаб қилишга ҳақлидир.

9 бўлим. ТОМОНЛАР ЖАВОБГАРЛИГИ

9.1. Зиммаларига олинган ўз мажбуриятларни бажармаганлик ёки лозим даражада бажармаганлик учун тарафлар Ўзбекистон Республикасининг амалдаги қонунчилигига мувофиқ жавобгар бўладилар.

9.2. Мазкур Шартномадан келиб чиқадиган барча низолар ва келишмовчиликлар музокаралар йўли билан ҳал қилинади, агар келишувга эришилмаса, суд тартибида ҳал қилинади.

10 Бўлим. БОШҚА ШАРТЛАР

10.1. Мазкур Шартноманинг шартлари Ўзбекистон Республикасининг 2008 йил 21 апрелдаги "Транспорт воситалари эгаларининг фуқаролик жавобгарлигини мажбурий суғурта қилиш тўғрисида"ги ЎРҚ-155-сонли Қонуни ва Ўзбекистон Республикаси Вазирлар Маҳкамасининг 2008 йил 24 июндаги "Транспорт воситалари эгаларининг фуқаролик жавобгарлигини мажбурий суғурта қилиш тўғрисида"ги Ўзбекистон Республикаси Қонунини амалга ошириш чора-тадбирлари ҳақида"ги 141-сонли Қарорига мувофиқ ишлаб чиқилган.

10.2. Мазкур Шартномага қўшимча ва ўзgartиришлар томонларнинг келишувига кўра ёзма шаклда киритилади.

- 10.3. Мазкур Шартномага қўйидагилар илова қилинади ва ажралмас қисми ҳисобланади:
- 1-сонли Илова. Суғурта қилиш учун Буюртма.
 - 2-сонли Илова. Суғурта қилиш учун Ариза.
 - 3-сонли Илова. Транспорт воситалари эгаларининг фуқаролик жавобгарлигини мажбурий суғурта қилиш полиси.
- 10.4. Томонлар, мазкур Шартнома, Иловалар ва мазкур Шартнома билана боғлик бошқа ҳужжатларнинг мазмуни тўғрисида томонлардан бирининг олдиндан берган ёзма розилигиз ҳар қандай учинчи шахсга ошкор этмаслиги бўйича жавобгарлик олиб борадилар.
- 10.5. Мазкур Шартнома 2 (икки) нусхада тузилган бўлиб, Суғурталовчи ва Суғурта қилдирувчи битта нусхадан сақланади ва уларнинг ҳар бири бир хил юридик кучга эга.

11. ТОМОНЛАРНИНГ МАНЗИЛИ ВА РЕКВИЗИТЛАРИ:

СУҒУРТАЛОВЧИ:
“APEX INSURANCE” МЧЖ

Манзили: Жиззах ш.,
Ш. Рашидов к-си, 1 «А» уй
Тел.: (99872) 226-27-27
Х/Р: 2020 8000 8009 0678 5019
Банк: АЖ «Узмиллийбанк» Жиззах филиали
МФО 00121
СТИР 305 684 696

Суғурталовчи номидан
Жиззах вилоят филиали директори
Адилов Х.К.



СУҒУРТА ҚИЛДИРУВЧИ:

«O'ZTRANSGAZ» AJ G'ALLAOROL
MAGISTRAL GAZ QUVURLARI BOSHQARMASI
X/R-20210000700117836127
<<OZANDATQURILISHBANK>> ATB JIZZAX MIRTAQAVIY FILIALI MFO-01152
OKED-49500 STIR-200 626 188
JIZZAX VILOYATI G'ALLAOROL TUMANI
GAZCHILAR QO'RSG'ONI TELEFON: (372) 221-50-16

Суғурта қилдирувчи номидан
Галлаорол МГҚБ бошлиғи в.б
Б.С.Хидиров



ХУКУҚШУНОС ХУЛОСАСИ:
Шартнома Лойиҳаси Ўзб.Р.нинг
Фуқаролик кодекси.
«Ҳўжалик юритувчи субъектлар фаолиятининг
шартномавий-ҳуқуқий базаси тўғрисида»ги
Қонунни ва бошқа юнунларига мувофиқ тузилган.
Хукуқшунос Ражабов Б.А.